



Headline: Penasihat syarikat rugi RM24,450 ditipu Language: Malay
sindiket

Publication/Portal: Sinar Harian

Section: Nasional

Date: 13 May 2020

Page: 23

Penasihat syarikat rugi RM24,450 ditipu sindiket

KUANTAN - Seorang penasihat syarikat per-sendirian kerugian RM24,450 selepas terpe-daya dengan sindiket Macau Scam yang menyamar sebagai anggota polis di sini kelmarin.

Mangsa berusia 29 tahun pada mulanya menerima panggilan telefon daripada seorang lelaki kononnya daripada Lembaga Hasil Dalam Negeri (LHDN) kira-kira jam 10.54 pagi.

Ketua Jabatan Siasatan Jenayah Komersial (JSJK) Pahang, Superintendan Mohd Wazir Mohd Yusof berkata, suspek memaklumkan mangsa mempunyai tunggakan cukai Syarikat Suruhanjaya Syarikat Malaysia (SSM) di bawah sebuah syarikat enterprise.

Menurutnya, mangsa menafikannya sebelum panggilan itu disambungkan kepada seorang lelaki yang kononnya anggota polis di Ibu Pejabat Polis Kontinjen (IPK) Kedah.

“Mangsa diminta memindahkan kesemua wang dalam akaunnya ke dalam akaun yang diberikan suspek kononnya untuk tujuan siasatan,” katanya dalam satu kenyataan di sini semalam.